

ՄԵՐՁՔԱԼԹԻԿԱՅԻ ՊԱՇՏՊԱՆԱԿԱՆ ՄԱՐՏԵՐՈՒՄ

Մ. Գ. ՍԱՀԱԿՅԱՆ

Սովետական Մերձբալթիկան իր աշխարհագրական դիրքով ռազմաստրատեգիական, քաղաքական և տնտեսական կարևոր նշանակություն ունեւ Սովետական Միության Հյուսիս-արևմտյան սահմանների և առանձնապես լենինգրադի պաշտպանության համար։ Նրա տերիտորիան կազմում է 174,8 հազար քառակուսի կիլոմետր, իսկ բնակչության թիվը՝ մինչև 1941 թ. հասնում էր վեց միլիոնի։ Մերձբալթիկայում հաշվում էր 163 քաղաք և 61 քաղաքատիպ ավան¹։ Հստոնիայի մայրաքաղաք Տալլինում էր գտնվում Կարմրագրոշ բալթյան նավատորմի գլխավոր բազան։ Մերձբալթյան նոր ստեղծված հատուկ ռազմական օկրուգում տեղակայված 8-րդ, 11-րդ և 26-րդ բանակների կազմում կար 25 դիվիզիա (որից 4-ը տանկային, իսկ 2-ը մոտոմեքենայացված) և հինգ ավիացիոն դիվիզիաներ։ Սովետական զորքերի դիմաց կանգնած էր թշնամու Շվեդսիս բանակային խումբը, որի հիմնական խնդիրն էր Մերձբալթիկայում ջախջախել Կարմիր բանակի զորամասերը և «Կենտրոն» բանակային խմբի ձախթևի հարվածային զորամասերի համագործակցությամբ գրավել լենինգրադը։ Թշնամու Շվեդսիս բանակային խմբի մեջ կային 30 հետևակային, 7 մեքենայացված և 6 տանկային դիվիզիաներ²։

Հայրենական մեծ պատերազմի հենց առաջին օրը՝ հունիսի 22-ին Հյուսիս-արևմտյան ռազմաճակատի ամբողջ երկարությամբ ծավալվեցին համառ ու արյունալի մարտեր։ Տաուրագի շրջանում 125-րդ հրաձգային դիվիզիայի հրետանային դիվիզիոններից մեկը ավագ լեյտենանտ Կոլեզակի հրամանատարությամբ ոչնչացրեց թշնամու 30 տանկ³։ Յուրա գետի մոտ 90-րդ հրաձգային դիվիզիայի 19-րդ գունդը մեկ ժամ տևած մարտի ընթացքում ոչնչացրեց 400 հիտլերական, 6 տանկ և 9 զնգացիր⁴։ Հունիսի 23-ին Ռասենայի շրջանում 48-րդ հրաձգային դիվիզիան 14 անգամ ետ մղեց թշնամու գրոհները։ Այդ օրը ոչնչացվեց 20 տանկ⁵։ 18-օրյա համառ մարտերի ընթացքում ֆաշիստական զորքերը տեխնիկայի ու մարդկային ուժերի ծանր կորուստների գնով գրավեցին Լիտվան, Լատվիայի մի մասը և մոտեցան Արևմտյան Դվինա գետին։ Այնուհետև մոտ երեք ամսյա ծանր մարտերից հետո թշնամուն հաջողվեց գրավել Հստոնիան և մտնել լենինգրադի մարզի սահմանները։

Հայրենական պատերազմի առաջին օրերի դաժան փորձություններում ուս, ուկրաինացի, բելոռուս, լատվիացի, լիտվացի, էստոնացի, վրացի և մյուս ազգերի ժողովուրդների զավակների հետ ուս-ուսի սովետական Մերձ-

¹ Տե՛ս «История Прибалтийского военного округа», Рига, 1968, էջ 21։

² Նույն տեղում, էջ 53, 87։

³ Տե՛ս ՍՍՀՄ պաշտպանության մինիստրության արխիվ (հետաքայում ՍՍՀՄ ՊՄԱ), ֆ. 1178, ց. 48421, գ. 1, թ. 2։

⁴ Նույն տեղում, ֆ. 1253, ց. 1, գ. 1, թ. 2։

⁵ Նույն տեղում, ֆ. 1554, ց. 1, գ. 2, թ. 14։

րալթիկա ներխուժած թշնամու դեմ հերոսաբար մարտնչում էին նաև հայ ժողովրդի հազարավոր զավակները՝ մարտերում դրսևորելով բարոյա-քաղաքական ու մարտական վարպետության բարձր հատկություններ:

Դեռ պատերազմի նախօրյակին Մերձբալթյան հատուկ և լենինգրադյան ուսումնական օկրուգներում էին ծառայում 1939—1940 թթ. Անդրկովկասից բանակ ղորակոչված մեծ թվով հայեր⁶: Մարտական գործողությունների հենց սկզբից, տարբեր ղորատեսակներում գտնվող հայ ռազմիկները մարտի էին նետվում այն բարձր գիտակցությամբ, որ ազատ Հայաստանի բախտը որոշվում է այնտեղ, որտեղ մարտ է մղվում հիտլերականների դեմ: Հայ ռազմիկները աչքի են ընկել ոչ միայն կարգապահությամբ ու խիզախությամբ, այլև քույրական լարձր ղիտակցությամբ: 28-րդ տանկային ղիվիզիայի կարմիր-բանակային Դյուլումյանը⁷ զորամասի ժողովում հանդես գալով հայտարարեց. «Մենք թշնամիներին միշտ հաղթել ենք և այժմ էլ կհաղթենք: Քաղաքացիական պատերազմի տարիներին մենք չունեինք տեխնիկա, բայց հաղթեցինք բոլոր կողմերից մեր երիտասարդ հանրապետությանը օղակած թշնամիների բանդային, իսկ այժմ հաղթանակի համար մենք ունենք ամեն ինչ⁸: Թշնամու նկատմամբ ատելությամբ ու նրան անխնա հարվածելու ձգտումով էր տոգորված Նույն միավորման 28-րդ հաուբիցային հրետանային գնդի 5-րդ մարտկոցի կարմիրբանակային կոմերիտական Գրիգորյանը: «Ես կհարվածեմ թշնամուն իմ թնդանոթից,—իր ելույթում ասաց նա,—իսկ եթե այն չգործի, հրացանը ձեռքի կնկատվեմ դեպի թշնամին և կհարվածեմ նրան սվինով ու խզակով: Եվ եթե այն էլ չարքից դուրս դա թշնամուն կհարվածեմ նրանով ինչ-որ ձեռքս ընկնի: Հանուն հայրենիքի պատրաստ եմ տալու իմ արյունը⁹: Թշնամուն հաղթելու մեծ հավատով է տոգորված 11-րդ բանակի 202-րդ հրաձգային ղիվիզիայի կրտսեր հրամանատարների դասընթացների գերազանցիկ Մանասյանը: Հանդես գալով զորամասի անձնակազմի առջև նա հայտարարեց. «Հիտլերը սլատերազմ է սանձազերծել ՍՍՀՄ-ի դեմ: Նա նպատակ է դրել ոչ միայն ոչընչացնել ռուս ժողովրդին, այլև մեր անծայրածիր մեծ հայրենիքի ժողովուրդներին՝ հայերին, վրացիներին, թաթարներին, ղազախներին և ուրիշներին... Հիտլերը մտածում է «կայծակնային պատերազմով» սոցիալիստական առաջին սլատության ոչնչացման մասին: Այդպես չի լինի: Ֆաշիզմը կջախջախվի և կոչնչացվի¹⁰: Նույն հավատով էր համակված նաև 3-րդ հրաձգային բրիգադի կարմիրբանակային Ալդադյանը. «Հիտլերը ցանկանում է ստրկացնել մեր ժողովուրդներին: Այդ նրան չի հաջողվի: Մենք կլինենք Բեռլինում և ես այնտեղ կկատարեմ իմ սիրելի «Երևան, իմ Երևան» երգը¹¹:

Բազմաթիվ հայ ռազմիկներ պատերազմի հենց առաջին օրերին ցանկանում էին մարտի գնալ որպես կոմունիստներ և խնդրում էին իրենց ընդունել կոմունիստական կուսակցության շարքերը: Կոմերիտական Գրիգորյանն իր ղիմումում դրել է. «Ես կոմերիտական եմ 1931 թ.: Ինչպես վայել է կոմերիտա-

6 Տե՛ս ՄԼԲ-ի հայկական ֆիլիալի արխիվ, ֆ. 1, ց. 29, գ. 320, թ. 70 և գ. 319, թ. 30, 90:

7 Զորամասերի ու ստորաբաժանումների ղեկուցադրերում, որպես կանոն նշվում է միայն ազգանունը:

8 ՍՍՀՄ ՊՄԱ, ֆ. 221, ց. 1362, գ. 54, թ. 1:

9 Նույն տեղում, թ. 38:

10 Նույն տեղում, ֆ. 357, ց. 5984, գ. 5, թ. 185:

11 Նույն տեղում, ֆ. 221, ց. 1362, գ. 81, թ. 8:

կտնին թշնամու դեմ կռվել եմ հունիսի 26-ից: Երկրորդ անգամ մարտի եմ ցանկանում գնալ որպես կոմունիստ: Խնդրում եմ ինձ ընդունել ՀամԿ(Բ)Պ շարքերը որպես անդամության թեկնածու¹²: 3-րդ հրաձգային բրիգադի կարմիր-բանակային Անանյանը գրել է. «Իմ հայրը, մայրը, եղբայրը ու քույրը. բոլորը կուսակցության անդամ են: Ես նույնպես որոշեցի դառնալ մեծ Լենինի կուսակցության անդամության թեկնածու: Զեր վստահությունը ես պատվով կարդարացնեմ ռազմաճակատում»¹³: 118-րդ հրաձգային դիվիզիայի կրտսեր սերժանտ Մասարյանը զորամասի կուսակցական կազմակերպությանն ուղղված գիտումում գրել է. «Գնդի կուսակցական կազմակերպությանը խնդրում եմ ինձ ընդունել ՀամԿ(Բ)Պ-ի շարքերը: Ես ցանկանում եմ մարտի գնալ որպես կոմունիստ, իսկ եթե մարտում զոհվեմ, խնդրում եմ ինձ համարել կոմունիստ: Թշնամուն կհարվածեմ մինչև նրա լրիվ ոչնչացումը»¹⁴:

Հայ ռազմիկների հայրենասիրական կրակոտ ելույթները զորամասերի ժողովներում ու միտինգներում, նրանց բուռն, ինքնաբուխ ցանկությունը՝ թշնամու դեմ կռվել որպես կոմունիստ, վկայում է նրանց բարոյա-քաղաքական բարձր գույ, հայրենասիրության, հայրենիքին ու կոմունիստական կուսակցությանն անսահման նվիրվածության մասին: Դա հաստատվում է նրանց ցուցաբերած հերոսական սխրագործությունների բազմաթիվ օրինակներով:

Թշնամու դեմ քաջաբար մարտնչողների ավանգարդում էին քաղաշխատողները, կոմունիստներն ու կոմերիտականները: 23-րդ հրաձգային դիվիզիայի քաղբաժնի 1941 թ. հուլիսի 7-ի զեկուցագիրը վկայում է, որ «գումարտական կոմիսար ընկ. Թովմասյանը Կարմելավայի տակ (Կառնասի մոտ) մղված մարտերում դրսևորեց անձնական նախաձեռնություն, մարտիկներից կազմակերպեց ջոկատ և նրանց գրոհի տարավ»¹⁵: Դրանից 14 օր անց Հյուսիս-արևմտյան ռազմաճակատի «Ջնամյա սովետով» թերթում տպագրված «Գիշերային հանդիպակաց մարտը» խորագրով հոդվածում նկարագրվում է հունիսի 26-ին տեղի ունեցած մարտը, որի ժամանակ աչքի ընկավ կոմիսար Թովմասյանը: 89-րդ գունդը, որը մտնում էր 23-րդ հրաձգային դիվիզիայի մեջ, հրաման ստացավ ոչնչացնել Կարմելավայում ամրացված թշնամուն: Գունդը դեռ դիրքեր չգրաված՝ ենթարկվեց թշնամու հարձակմանը: Ստեղծվեց շատ լարված վիճակ: Արևելքի ու ռումբերի անընդհատ պայթյունները, օդում ազատ գործող թշնամու վայրասլաց ինքնաթիռների խլացուցիչ ոռնոցը մի ակնթարթ ընկրկեցին առաջին անգամ մարտի մեջ մտնող կարմիրբանակայիներին: Անհրաժեշտ էր խիզախության դիմելու անձնական օրինակ ցույց տալ: Գումարտական կոմիսար Ղազար Թովմասյանը¹⁶ արագ կողմնորոշվելով, իր շուրջը համախմբեց մարտիկներին և գրոհի տարավ: Ողևորված իրենց կոմիսարի համարձակ ու անձնազոհ օրինակով, արհամարհելով մահը, կուռ շղթաներով գրոհի նետվեցին

¹² Նույն տեղում, գ. 83, թ. 122:

¹³ Նույն տեղում, գ. 81, թ. 5:

¹⁴ Նույն տեղում, ֆ. 1323, ց. 1, գ. 21, թ. 32:

¹⁵ Նույն տեղում, ֆ. 357, ց. 5984, գ. 12, թ. 11:

¹⁶ Գումարտական կոմիսար Ղազար Գրիգորի Թովմասյանը 1927-ին ավարտել է հայկական միացյալ զինվորական դպրոցը, իսկ 1940 թ. Վ. Ի. Լենինի անվան ռազմա-քաղաքական ակադեմիան՝ գերազանցիկի դիպլոմով: Նրա կինը՝ Զոյա Թովմասյանը և դուստրը՝ Սիլվան 1941 թ. Դիզայից էվակուացվել են Հայաստան և բնակություն հաստատել Երևանում: Նրանք մինչև վերջու չգիտեին Ղազար Թովմասյանի հերոսական մահվան մասին:

Միրոշնիչենկոյի և Կրուդլիկովի գումարտակները: Չդիմանալով հակադրոշին, թշնամին ստիպված նահանջից ավելի քան վեց կիլոմետր, ռազմադաշտում թողնելով 800—900 սպանված դիակներ ու սպա: Այդ օրը քաջի մահով զոհվեց կոմիսար Խովմասյանը¹⁷:

Կարմրագրոշ բայթյան նավատորմի օդային ուժերում մեծ ճանաչում ու հեղինակություն էր վայելում 8-րդ ավիորիգադի առաջին զնդի կոմիսար Գրիգորի Օդանեդովը, որը զնդի հրամանատար, գնդապետ Յ. Ն. Պրեորրաթենսկու հետ 1941 թ. օգոստոսին ղեկավարել է Բեռլին, Համբուրգ և գերմանական մյուս քաղաքների ումրակոծությունը: Հունիսի 22-ից մինչև հոկտեմբերի 8-ը այդ ղոնդր կատարել է 1131 մարտական թռիչք, որից 78-ը Բեռլինի և գերմանական մյուս արդյունաբերական կենտրոնների վրա¹⁸: Վերհիշելով իր մարտական դիակցիան, Ն. Սմիրնովը իր գրքում, հետագայում Օդանեդովի մասին գրում է. «Քաղաքական աշխատանքում ղիսավորը և վճռականը նա համարում էր հոգատարությունը դեպի մարդը, զգայուն, ուշադիր վերաբերմունքը՝ օդաչուի, շտուրմանի, հրաձգի, ռադիստի, զնդի յուրաքանչյուր մարտիկի նկատմամբ: Եվ իզուր չէր, որ քաղրաժնում Գ. Չ. Օդանեդովին անվանում էին հոգեբան»²⁰:

Բևուրի և գերմանական մյուս քաղաքների ումրակոծումները լավ նախապատրաստելու և քաղաքական աշխատանքը ապահովելու գործում ցուցաբերած ծառայությունների համար 1941 թ. դեկտեմբերին կոմիսար Գ. Օդանեդովը սյարդեատրվել է Կարմիր դրոշի շքանշանով²¹:

Պաշտպանական մարտերի ընթացքում տարբեր զորամասերի հայ քաղաքատուղներից աչքի են ընկել նաև Սիմոն Սարգսյանը, Արամ Սիլանյանը, Աշոտ Մկրտչյանը, Խաչատուր Պետրոսյանը և շատ ուրիշներ:

Մեր կրկիրը ներխուժած թշնամու դեմ առաջին հերոսական մարտերը մղեցին սահմանապահները: Նրանց շարքերում աչքի ընկան նաև հայ սահմանապահները: 12-րդ սահմանապահ կայազորի առաջին բաժանմունքի պետ մայոր Արտավազդ Կնդեխցյանը²² իր շուրջը համախմբելով ցրված սահմանապահներին, անհավասար մարտի մեջ մտավ թշնամու դեմ: Ստիպված լինելով նահանջել դեպի Լիեպայա, նա սահմանապահների խմբով մասնակցեց ռազմա-ծովային քաղաքի համար մղված հերոսամարտին և ծանր կորուստներ պատճառեց թշնամուն: 1941 թ. հունիսի 27-ին, երբ թշնամին ներխուժեց Լիեպայա, սահմանապահները մայոր Կնդեխցյանի ղեկավարությամբ շենքերից մեկում շրջանաձև պաշտպանություն գրավեցին: Հիտլերականները մեծաթիվ ուժերով շրջապատեցին շենքը, երեք անգամ գրոհի դիմեցին, բայց արդյունքի չհասան: Ֆաշիստները գոչում էին՝ «ռուս հանձնվիր», իսկ սահմանապահները պատասխանում էին մահարեք գնդակներով ու նռնակներով: Անհաջողությունից կատաղած հիտլե-

¹⁷ ՏՆ՝Ս ՍՍՀՄ ՊՄԱ, ֆ. 357, ց. 5984, դ. 3, թ. 10—11:

¹⁸ Նույն տեղում, գ. 107, թ. 9:

¹⁹ ՏՆ՝Ս ՍՍՀՄ Ռազմա-ծովային նավատորմի կենտրոնական (ՌՄԿ) արխիվ, ֆ. 88, ց. 2, գ. 461, թ. 196:

²⁰ ՏՆ՝Ս Н. К. Смирнов, Матросы защищают родину, Москва, 1962, стр. 108.

²¹ ՏՆ՝Ս ՌՄԿ արխիվ, ֆ. 88, ց. 2, գ. 461, թ. 196:

²² Մայոր Արտավազդ Հակոբի Կնդեխցյանը ծնվել է 1905 թ., Լենինական քաղաքում, արհեստավորի ընտանիքում: 1925 թ. սովորել է Երևանի պետական համալսարանի ֆիզիկա-մաթեմատիկական ֆակուլտետում, բայց չի ավարտել: 1926 թ. տեղափոխվել է Թբիլիսի, որտեղ 1929 թ. ավարտել է հետևակային ռազմական դպրոցը: Մինչև պատերազմի սկսվելը ծառայել է սահմանապահ զորամասերում:

րականները հրդեհեցին շենքը, բայց ողջակիզվող սահմանապահներից ոչ ոք փրկվելու փորձ չարեց։ Դեպքին ականատես բնակիչները հետագայում պատմել են, որ շենքի ներսից լսվում էր ռինտերնացիոնալ» երգը։ Սահմանապահների խումբը մայոր Արտավազդ Կնդեխցյանի գլխավորությամբ արիաբար ընդունեցին մահը, այն գերադասելով ֆաշիստական գերությունից²³։

Մարտական գործողությունների հատվածներից մեկում, խառն իրադրություն մեջ զորամասը ղեկավարելու լավագույն ունակություններ դրսևորեց Հյուսիս-արևմտյան ռազմաճակատի օպերատիվ բաժնի պետի տեղակալ մայոր Անդրանիկ Սարգսյանը։ Ռազմաճակատի ռազմական խորհրդի հրամանով նրան հանձնարարվեց լինել մարտական գործողությունների վայրում, պարզել իրադրությունը և այդ մասին ղեկույց ներկայացնել հրամանատարությանը։ Հուլիսի 7-ին նա եղավ ռազմաճակատի առաջին գծում, հանդիպեց 1-ին մեքենայացված կորպուսի, 3-րդ տանկային դիվիզիայի, 3-րդ մոտոհրաձգային դնդի մարտիկներին, որոնք անկանոն նահանջում էին։ Գնդի անձնակազմից մնացել էր 67 մարդ, այն էլ առանց հրամանատարի։

Ռազմաճակատի ռազմական խորհրդի անդամ գեներալ-մայոր Բոչկովի հրամանով Սարգսյանը ստանձնեց գնդի հրամանատարությունը և կարճ ժամանակում շարքից դուրս եկած նահանջող զորամասերի մնացորդներից, գնդի թվական կազմը հասցրեց 1500-ի։ Մարտունակությունը վերականգնած գունդը Սարգսյանի գլխավորությամբ տաս օր՝ հուլիսի 8—18-ը դիմադրեց թշնամու գերազանցող ուժերին՝ կասեցնելով նրա առաջընթացը²⁴։

Մարտական առաջադրանքը պատվով կատարելու և մարտում ցուցաբերած սխրագործության համար, ՍՍՀՄ Գերագույն սովետի նախագահության հուլիսի 25-ի հրամանագրով Անդրանիկ Սարգսյանը պարգևատրվել է Կարմիր դրոշի շքանշանով²⁵։

Ռազմաճակատի հրամանատարությունը հաշվի առնելով երիտասարդ հրամանատարի կարողությունները նրան հանձնարարեց ղեկուցագիր ներկայացնել ռազմաճակատի բարդ իրադրության մասին։ Այդ դժվարին և արտակարգ պատասխանատու առաջադրանքը ևս մայոր Անդրանիկ Սարգսյանը կատարեց պատվով և արժանացավ ռազմաճակատի հրամանատարության շնորհակալությանը, ստացավ արժաթե սուրճ²⁶։

Հունիսի 22-ին, երբ համառ մարտեր ծավալվեցին Յուրա գետի շրջանում սահմանը ներխուժած թշնամու ստորաբաժանումների և 90-րդ հրաձգային դիվիզիայի նահանջը պաշտպանող 186-րդ գնդի գնդացրային դասակի միջև, հրամանատարական իր համարձակությամբ ու անձնագործությամբ աչքի ընկավ դասակի հրամանատար Աշոտ Ղազարյանը²⁷։ Դասակը երկու օր դիմակայեց հիտլերականներին։ Անհաջողությունից գազազած թշնամին Աշոտ Ղազարյանի փոքրաթիվ ջոկատի դեմ նետեց թնդանոթներով և գնդացիներով լավ զինված

²³ Տե՛ս «Правда», 22, VI. 1966.

²⁴ ՍՍՀՄ ՊՄԱ, Ա. Ս. Սարգսյանի անձնական գործ, № 1580362, Բ. 13:

²⁵ Տե՛ս ՀՍՍՀ ԳԱ պատմության ինստիտուտի ՀՊՊԿ արխիվ, ֆ. 284, գ. 1, Բ. 1—2:

²⁶ Տե՛ս ՀՍՍՀ ԳԱ պատմության ինստիտուտի Հայրենական պատերազմի պատմության կա-րինետի (ՀՊՊԿ) արխիվ, ֆ. 284, գ. 4, Բ. 4:

²⁷ Աշոտ Ղազարյանին, Մերձբալթիկայի ազատագրման համար մղված մարտերում ցուցաբերած խիզախության և արիության համար, 1944 թ. շնորհվեց Սովետական Միության հերոսի կոչում:

200) հողուց լադկացած մի ստորարաժանում: 3-րդ օրը, երբ հիտլերականները փորձում էին անցնել դնտը, դասակը զնդացրային ուժեղ կրակով մինչև վերջին պինդորը ոչնչացրեց դրոհող ֆաշիստներին: Ստորաբաժանումը դիրքերը թողեց միայն հրամանատարության հրամանից հետո²⁸:

Կաունասի համար մղված մարտերում 61-րդ դիվիզիոնի հրետանավորները, մայոր Սամրեկ Գեորգյանի հրամանատարությամբ ծանր կորուստներ պատճառեցին թշնամուն: Հրետանավորների դիմադրությունն ընկճելու համար թշնամին հունիսի 26-ին անցավ հոգեբանական գրոհի: Գեորգյանը հմտորեն ղեկավարելով մարար, հրետանային փոթորկալից կրակով ստիպեց թշնամուն դադարեցնել հարձակումը, ապա և նահանջել: Մարտական դիրքում հերոսաբար զոհված հրամանատարը Լամահու պարգևատրվեց Կարմիր դրոշի շքանշանով²⁹:

Լենինյորազի պաշտպանությունը ուժեղացնելու համար 8-րդ բանակի հրամանատարությունը օգոստոսի 18-ին Նարվայից դուրս բերեց Կարմիր բանակի զորամասերը: Մեր զորքերի գետնանցումը ուղեկցվում էր թշնամու դեմ մղվող կասապի մարտերով: 301-րդ դնդի մարտիկները գերմարդկային ջանք գործադրելով հերոսաբար ևս էին մղում թշնամու անընդհատ գրոհները: Այդ ընթացքում համարձակության ու խիզախության հիանալի օրինակ տվեց 48-րդ հրաձգային դիվիզիայի 301-րդ զնդի գումարտակի հրամանատար, կոմերիտական, լեյտենանտ Վ. Կիդիրյանը: Մարտի ամենածանր պահին նա գունդը երկրորդ անգամ գրոհի տարավ: Հակառակորդը ետ շարտվեց, բայց որոշ ժամանակ անց համալրելով իր ուժերը նորից սկսեց գրոհը, ձգտելով խափանել մեր զորամասերի գետնանցումը: Կիդիրյանը երրորդ անգամ գունդը գրոհի տարավ և նորից ձախողեց հակառակորդի մտադրությունը: Այդ գրոհի ժամանակ հերոսի մահով ընկավ քաջարի լեյտենանտ Կիդիրյանը³⁰: Նրա ամուր կամքը, վճռականությունը, անսահման նվիրվածությունը հայրենիքին՝ հաղթեցին թշնամուն և ապահովեցին 8-րդ բանակի գետնանցը Նարվայի արևելյան ափը:

Ռազմաճակատի տարբեր հատվածներում մղված պաշտպանական մարտերի ժամանակ թշնամուն կենդանի ուժի ու տեխնիկայի ծանր կորուստներ պատճառեցին զնդապետ Սերգեյ Կարապետյանի, մայորներ Անդրանիկ Սարգսյանի, Քրիստոսփոր Ժելուխյանի, Գեորգ Միրզոյանի, կապիտաններ Գերասիմ Հակոբյանի, Ռուբեն Աղաջանյանի և ավիացիոն ինժեներ Արշավիր Գրիգորյանի հրամանատարությամբ չորսոգ զորամասերն ու ստորաբաժանումները:

Մեր զորքերի համար ստեղծված անբարենպաստ իրադրության պայմաններում զենքին վարպետորեն տիրապետելու, թշնամուն դիպուկ հարվածելու լավատյուն ունակություններ դրսևորեցին հայ հրետանավորները: 48-րդ հրաձգային դիվիզիայի 301-րդ զնդի ականանետային մարտկոցը, կրտսեր լեյտենանտ Գեորգ Հարությունովի հրամանատարությամբ հունիսի 23-ին, Ռասեյնայի շրջանում ոչնչացրեց մի քանի տանկ և փոթորկալից կրակով ցրեց թշնամու մոտոմեքենայացված վաշտի շարքերը³¹: Հուլիսի 3-ին, Ռեզեկնե քաղաքի մոտ 163-րդ մոտոմեքենայացված դիվիզիայի 365-րդ հրետանային դասակի հրամանատար, լեյտենանտ Պավել Վարդանյանցը անձամբ ոչնչացրեց 6 տանկ³²:

28 ՏՆ՝ ՆՍՍՀ ԳԱ պատմության ինստիտուտի ՀՊՊԿ արխիվ, ֆ. 104, գ. 3, թ. 1:

29 ՏՆ՝ ՆՍՍՀ ՊՄՍ, ֆ. 226, ց. 1386, գ. 47, թ. 24:

30 Նույն տեղում, ֆ. 344, ց. 5592, գ. 19, թ. 68, 80, ֆ. 1154, ց. 1, գ. 137, թ. 88:

31 ՏՆ՝ Նույն տեղում, ֆ. 1154, ց. 2, գ. 10, թ. 47:

32 ՏՆ՝ Նույն տեղում, ֆ. 221, ց. 1362, գ. 65, թ. 7:

Բարձր մարտունակություն ու դժվարին մարտում մեծ դիմացկունություն դրսևորեց 47-րդ կորպուսային հրետանու գունդը, որի կազմում կային 200 հայ զինվորներ ու սերժանտներ³³։ Հունիսի 26-ին, Ռաուդենի շրջանում Ռուբեն Ծղիազարյանի և Մեխակ Հովհաննիսյանի հրետանային հաշվարկները ուժեղ կրակով օգնեցին շրջապատումից դուրս գալու գնդի 2-րդ և 8-րդ մարտկոցներին և մի քանի անգամ փախուստի մատնեցին թշնամուն³⁴։ Այդ մարտերում աչքի ընկան նաև հրետանավորներ Մ. Մարտիրոսյանը, Վ. Վարդանյանը, Յ. Մետոյանը և ուրիշներ։

Մերձբալթիկայի համար մղված մարտերի ժամանակ այդ գնդի հայ մարտիկներից շատերը հերոսաբար զոհվեցին, սրբորեն կատարելով իրենց պարտքը հայրենիքի նկատմամբ։ Լիտվայում զոհվեցին Մակար Սարգսյանը, Սարգիս Առաքելյանը, Գրիգոր Հայրապետյանը, էստոնիայում՝ Մկրտիչ Դավթյանը, Ազասի Մարգարյանը, Աղվան Սարգսյանը և ուրիշներ³⁵։

Հրետանավորներից ետ չէին մնում հայ տանկիստները։ Ահա մի վառ օրինակ. պատերազմի սկզբին, Հյուսիս-արևմտյան ռազմաճակատում մեծ համբավ էր վայելում 48-րդ տանկային դնդի, 2-րդ գումարտակի կոմերիտական կազմակերպիչ, տանկիստ Մ. Մ. Բաբայանը։ Նրա կոմերիտական ու մարտական աշխատանքի փորձը տարածվեց ռազմաճակատի զորամասերում։ Նա ստորաբաժանման մարտական թերթիկի խմբագիրն էր։ Մարտերից մեկի ժամանակ, երբ թշնամու թիկունքում արկի պայթյունից վնասվել էր կոմերիտական Դեմիտրյատկովի տանկը, հրետանային ու գնդացրային կրակի տակ, Բաբայանն իր տանկով մոտեցավ նրան և ընկերոջը օգնեց վերացնելու վնասվածքը։ Մեկ այլ գրոհի ժամանակ խփվեց նազնիբիդի տանկը։ Անխուսափելի մահից ընկերներին փրկելու ձգտումը տանկիստ Բաբայանին մղեց համարձակ գործողության։ Խուսափելով թշնամու հարվածներից, նրա տանկը մոտեցավ խփված սովետական տանկին, շղթայակցեց և մեծ դժվարությամբ ռազմադաշտից դուրս բերեց տանկն ու նրա անձնակազմին։ Եվ այսպես, — ասված է ռազմաճակատի քաղվարչության շրջաբերականում, — կոմերիտական կազմակերպիչ ընկ. Մ. Բաբայանը բուլշևիկյան կրակոտ խոսքով ու գործով իր դասակի կոմերիտականներին ու երիտասարդներին անխնա պայքարի էր մղում ֆաշիստական ավազակների դեմ»³⁶։

Մերձբալթիկյան ներխուժող թշնամու դեմ մղված մարտերում 1941 թ. բազմաթիվ փառապանծ գործեր կատարեցին հայ օդաչուներն ու նավատորմայինները։ Հայրենական պատերազմի սկսելու երրորդ օրը, Սովետական Միության հերոս, օդաչու Նիկոլայ Գաստելլոյի անօրինակ սխրանքից երկու օր առաջ, բացառիկ քաջագործություն կատարեց Սարգիս Միքայելի Հայրապետովը։ Հունիսի 24-ին 31-րդ խոյրնթաց ռմբակոծիչ գունդը մարտական առաջադրանք ստացավ Տիլզիտի շրջանում ռմբակոծել թշնամու տանկային շարասյունը։ Գնդի էսկադրիլաներից մեկը գլխավորում էր ավագ քաղղեկ Սարգիս Հայրապետովը։ Նրա օդաչուները մարտական առաջադրանքը կատարեցին փայլուն հաջողությամբ, ֆաշիստական տանկային շարասյունը լիովին ջախջախեցին։ Բայց կոմիսարի

33 Տե՛ս ՀՍՍՀ ԳԱ պատմության ինստիտուտի ՀՊՊԿ, ֆ. 265, գ. 2, թ. 1։

34 Տե՛ս ՍՍՀՄ ՊՄԱ, ֆ. 14-րդ հրետ. գունդ, ց. 595975, գ. 1, թ. 12։

35 Նույն տեղում, ց. 456575, գ. 7, թ. 16, 17, գ. 8, թ. 10, 30։

36 Նույն տեղում, ֆ. 221, թ. 1362, գ. 16, թ. 381։

ինքնաթիռի շարժիչը օդային մարտում վնասվել էր, ապա բռնկվել բոցերով։ Քաջակոթով օդաչուն սակայն չկորցրեց իրեն։ Լարելով իր բոլոր ուժերը, Հայրապետովը իր այրվող ինքնաթիռը ուղղեց դեպի թշնամու տանկային շարանունը և մխրձվեց նրա մեջ։ Այդ եղակի սխրագործության մասին «Վո սլավա րոդինի» թերթի 1942 թ. փետրվարի 27-ի համարում տպագրվեց հայազգի լրա-իրող Գեորգի իտլուպովի ակնարկը՝ «Առաջին Գաստելոն» վերնագրով³⁷։

38-րդ ավիացիոն կործանիչ ղեկի կազմում բաղմիցս աչքի ընկավ էսկադրի-լայի կոմիսար, ավագ բաղմիչ կազար Սերգեյի Չախչախովը։ Նա մինչև 1941 թ. հոկտեմբերի Հյուսիս-արևմտյան ռազմաճակատում³⁸ կատարեց 130 մարտա-կան թռիչք և օդային մարտում ոչնչացրեց թշնամու 8 ինքնաթիռ, որից չորսը խմբային մարտում³⁹։

1941 թ. օգոստոսի 20-ին նա սկսեց թռչել գրոհիչ ինքնաթիռով և թշնամուն կենդանի ուժի ու տեխնիկայի ծանր կորուստներ պատճառեց։ Օգոստոսի 26-ին նա ոմրակոծեց ռազմամթերքով ու պարենամթերքով բեռնված 40 մեքենայից բաղկացած թշնամու ավտոշարասյունը։ Հաջորդ օրը Դապի Նիվի շրջանում՝ ոչնչացրեց ևրկու աէրոստատ և ոմբակոծեց հակառակորդի ավտոշարասյունը⁴⁰։

Չուրլախովի անունը մի շարք անգամ հիշատակվեց Կարմիր բանակի գըլ-խավոր բաղաբական վարչությանն ուղարկված ղեկույցներում։ 1941 թ. օգոս-տոսի 2-ի և 8-ի ղեկուցադրերում մասնավորապես ընդգծվում է, որ 8-րդ ավիացիոն ղեկի էսկադրիլայի կոմիսար Չախչախովը իր անձնական օրինակով դաստիարակում է արիասիրտ օդաչուներ... Չախչախովի դաստիարակած օդա-չուներ Գորյանևը, Շևուլցևը և ուրիշներ մարտական պայմաններում առաջա-իրանր կատարում են դերադանց։ Օդային մարտերում նրանք խփել են յոթ ինքնաթիռ⁴¹։

Մարտերում ցուցաբերած արիությանն ու խիզախության համար Հյուսիս-արևմտյան ռազմաճակատի հրամանատարի 1941 թ. նոյեմբերի 27-ի № 031 հրամանով ավաղ բաղմիչ կազար Չախչախովը պարգևատրվեց Լենինի շքանշա-նով⁴²։ Իսկ 1942 թ. հուլիսի 21-ին նրան շնորհվեց Սովետական Միության հե-րոսի կոչում։ Կազար Չախչախովը հայ ռազմիկներից առաջինն էր, որ Հայրե-նական պատերազմում արժանացավ այդ բարձր կոչմանը։

Թշնամու կենդանի ուժին ու տեխնիկային ծանր կորուստներ պատճառեցին օդաչուներ Գեղամ Պետրոսյանը, Հարություն Փարսուղյանը, Ալեքսանդր Խաչա-տուրովը և ուրիշներ։ Մերձբալթիկայի համար մղված օդային մարտերում իր անօրինակ սխրագործությունների սկիզբը դրեց անվահեր օդաչու Նելսոն Ստե-փանյանը⁴³։

37 Տե՛ս «Ներկույան Նրեան», 2. III. 1970։

38 Հայկական ՍՍՀ ԳԱ պատմության ինստիտուտի հրատարակած «Գիրք հերոսների մասին» կոլեկտիվ աշխատության մեջ թույլ է տրված վրիպակ։ Հյուսիս-արևմտյան ռազմաճակատի փո-խարեն դրված է, որ կազար Չախչախովը պատերազմի սկզբին մասնակցել է Արևմտյան Ուկրաի-նայում մղված պաշտպանական մարտերին։ Նա 1941 թ. հունիսի 22-ից մինչև 1942 թ. ապրիլը թշնամու դեմ մարտնչել է Հյուսիս-արևմտյան ռազմաճակատում։

39 Տե՛ս ՍՍՀՄ ՊՄԱ, ֆ. 221, ց. 1386, դ. 65, թ. 13—14։

40 Նույն տեղում։

41 Տե՛ս նույն տեղում, ց. 1362, դ. 16, թթ. 105, 137։

42 Նույն տեղում, ց. 1386, դ. 65, թ. 15։

43 Ծովային ղրոհիչ օդաչու Նելսոն Ստեփանյանին, որին անվանում էին «Մերձբալթիկայի մրրկահավ», 1942 թ. հոկտեմբերի 23-ին շնորհվեց Սովետական Միության հերոսի կոչում, իսկ 1945 թ. մարտի 6-ին՝ Լուծահու այդ բարձր կոչմանն արժանացավ երկրորդ անգամ։

էստոնիայի մայրաքաղաք Տալլինի հերոսական պաշտպանության օրերին աչքի ընկավ կարմրագորշ Բալթյան նավատորմի հրետանու թեթև ուժերի հրամանատար, երկրորդ կարգի կապիտան Արտավազդ Սաֆոյանը⁴⁴, 1941 թ. օգոստոսին նրա հրետանավորները Տալլինի ծովային մատույցներում խորտակեցին թշնամու երկու փոխադրանավ, երկու կատեր, իսկ երկու այլ փոխադրանավի ծանր վնասվածքներ պատճառեցին⁴⁵:

Տալլինի Մոնղոլոնդյան կղզիների ու հանկո թերակղզու համար մղված մարտերում աչքի ընկավ ականորս նավի մարտական հրամանատար, ավագ լեյտենանտ Պետրոս Պետրոսյանը: Տալլինից-Կրոնշտադ կատարած սովետական նավերի երթի ժամանակ նա անձամբ փրկեց ծովում խեղդվող 20 մարտիկի կյանք: Ականորս նավով հինգ անգամ կտրեց անցավ Կրոնշտադ-հանկո տարածությունը՝ թերակղզու պաշտպաններին հասցնելով պարենամթերք ու ռազմամթերք, իսկ կալազորի էվակուացման ժամանակ, փոխարինելով վիրավորված հրամանատարին, նավը դուրս բերեց թշնամու հրետանու կրակադաշտից և հաջողությամբ հասցրեց Լենինգրադ⁴⁶:

Սովետական Միության մյուս ժողովուրդների ներկայացուցիչների և առաջին հերթին ռուս մեծ ժողովրդի զավակների հետ կողք-կողքի, հայ ռազմիկները մարտի էին նետվում թշնամու դեմ՝ լիովին գիտակցելով, որ պաշտպանելով Մերձբալթիկան, դրանով իսկ պաշտպանում են իրենց հարազատ հայրենիքը՝ Սովետական Հայաստանը:

ОБОРОНИТЕЛЬНЫЕ БОИ В ПРИБАЛТИКЕ

М. Г. СААКЯН

Резюме

Тысячи сынов армянского народа приняли активное участие в героических боях за Советскую Прибалтику в июне-сентябре 1941 года. Многочисленные воины-армяне, прежде чем вступить в бой, подавали заявление о приеме их в ряды коммунистической партии.

В первые дни войны многие из них удостоились правительственных наград. Так, заместитель начальника оперативного отдела Северо-западного фронта Андраник Саркисян за умелое выполнение заданий командования получил орден Красного знамени. В боях за оборону Каунаса отличился артиллерийский дивизион майора Мамбре Геворгяна. На различных участках фронта героически сражались воинские части и подразделения под руководством полковника Сергея Карапетяна, майора Георга Мирзояна, капитана Герасима Акопяна и др. В рядах 47-го корпусного артиллерийского полка храбро сражались 200 воинов-армян.

В боях за оборону Советской Прибалтики прославились летчики Нельсон Степанян, Лазар Чапчахов, Саркис Айрапетов и многие другие. О героизме танкиста, комсомольца М. М. Бабаяна знали на всем Северо-западном фронте.

⁴⁴ 1951 թ. Ար. Սաֆոյանին շնորհվել է կոնտր-ադմիրալի կոչում: Նա ռազմա-ծովային գիտությունների թեկնածու է: Այժմ պահեստի կոնտր-ադմիրալը բնակվում է Մոսկվայում:

⁴⁵ Տե՛ս ՌՄԿ արխիվ, ֆ. 88, ց. 2, գ. 523, ք. 170:

⁴⁶ Նույն տեղում, գ. 481, ք. 383: